

Lengoa lombarda

El **Łonbardo** (nomi locai *lombard*, *lumbard*, *lumbaart*) l'è na lengoa gal-italega parlada soratut inte ła Łonbardia, inte'l Canton Tisin, inte i Grixoni e inte ła rasion oriental del Piemonte da calche 7 milioni de àneme.

Ìndaxe

Difuxion

Varianse

Łonbardo osidental

Łonbardo oriental e alpin-oriental

Łonbardo Meridional

Ixole linguisteghe łonbarde

Riconossimenti Ofìciali

Difuxion

El primo scritto łonbardo cognosuo el xe el *Sermon divin* del 1264. L'autor el xe Pietro da Barsegapè. Ła Lèngua łonbarda xe destinguibile in sotogrupi lengoisteghi che i xe intełejibili fra de łuri.

Varianse

Łe do varianse prinsipali łe xe cueła oriental, ciamada anca *transabduana* o *orobica*, e cueła osidental, ciamada anca *cisabduana* o *insubre*, ste do varianse łe ga soratut difarense fonoloxiche bastansa marcae, diritura łe podaria esar ciapae cofà do lengoe separae. Łe difarense inportanti łe rivarda soratut łe létare /v/ e /s/ che inte ła variansa oriental łe diventa aspirae (ła /v/ pol esar anca eliminada del tut), par exenpio ła paroła osidental *cavall* a oriente ła diventa *cahall* o anca *caàl*, ła paroła *sura* ła diventa *hura*. N'antra difarensa xe ła pronunsia de łe ploxive ala fin dele parołe come *lett* e *fredd* che a oriente łe vien pronunsiae *leč* e *freĝ*.

	Łonbardo
Nome locale	Lengua lumbarda
Parlà in	 Italia , Svìzera
	Parlanti
Totałe	7 milioni circa
Clasifega	<i>mia tra łe prime 100</i>
	Altre informasion
	Fameja
	Indoeuropee
	Italice
	Romanxe
	Italo-ožidentali
Fiłojenexi	ožidentali
	Gal-iberike
	Galromanxe
	gal-italeghe
	Łonbardo
	Statuto ofìcialè
Lengua ofìcialè in	no riconosesta da nesun paexe
	Codaxi de clasifegasion
ISO 639-1	-
ISO 639-2	roa
ISO 639-3	lmo (http://www.sil.org/iso639-3/documentation.asp?id=lmo) (EN)
Glottolog	lomb1257 (http://glottolog.org/resource/languoid/id/lomb1257) (EN)
	Deciarasion Universałe dei Deriti de l'Omo, art. 1
	Tücc i vèss üman a i nàssen libér e cumpàgn en dignità e driss. Lùur i hinn dutàa dè resün e cuncscénza e duarien agì l'ünn vèrss l'àlter 'n'ünn spirit dè fradelanssa.

Łonbardo osidental

Łe varianse diałetai del łonbardo osidental o insubre łe xe tradizionalmente: Miłanexe, Łomelin, Vigevanasco, Bustoco, Legnanexe, San Giorgexe (parlà intel comun de San Giorgio su Legnano), Briansol, Monzexe, Trezzexe, Laghée (parlà inteła parte setentional del Łago de Como), Lecchexe, Comasco, Valasinexe, Canzexe, Saronexe, Tisinexe (parlà intel Canton Tisin), Ossolan, Valtefinexe, Varesot, Verbanexe, Lodixan, Novarexe, Tortonexe.



Łonbardo oriental e alpin-oriental

Łonbardo oriental: Bergamasco, Cremasco, Sorexine, Alto Mantovan, Bressan, Trentin Osidental.

Łonbardo alpin-oriental: Bormin, Livignasco, Alto Camuno

Łonbardo Meridional

I diałeti parlai inte ła bassa Łonbardia i ga alcune influenze emiliane: Cremonexe, Basso Mantovan e Casalasco-Viadanexe.



Ixołe linguisteghe łonbarde

Ghe xe de łe ixołe linguisteghe łonbardofone: Inte ła Sicilia ghe xe dei diałeti del łonbardo che i risałe al Medioevo, i vien ciamai Diałeti Gal-Italisi de Sicilia, i ga influssi diałetai del sicilian.

Inte'l Lasio xe parlà on diałeto łonbardo da ła Comunità Valtellinexe de Roma.




Riconossimenti Ofiçiai

El Łonbardo el podaria esar retegna lengoa rejonai minoritaria ai sensi dela Carta Eoropea par łe lengoe rejonai e minoritarie che al' art. 1 el dixe che per *lengoe rejonai o minoritarie se intende łe lengoe... che no łe xe diałeti dela lengoa ofiçial deło stado*. Tutociò

el Stado Italian no 'l reconosse el lombardo cofà lengoa rejonai. No ghe xe recognossimenti ofiziai gnanca da la Svìsra, ndoe però el vien studià dal Centro di dialettologia e etnografia de Belanzana.

**Controlo de
autorità**

GND (DE) 4168136-8 (<https://d-nb.info/gnd/4168136-8>)

-  [Wikimedia Commons \(https://commons.wikimedia.org/wiki/?uselang=en\)](https://commons.wikimedia.org/wiki/?uselang=en) el detien imàjini o altri file so **Lengoa lombarda** (https://commons.wikimedia.org/wiki/Category:Lombard_language?uselang=vec)

Ùltimo canbiamento de sta pàgina el 22 luj 2020 a łe 17:17.

El testo el xé disponibile secondo la licensa Creative Commons Atribusion-Condìvidi n'te la stesa manjiera; e pole aplicarse oncora pì condision. Varda łe condision d'uxo par i detaji.